



## ALKATE DEKRETUA

**Nik, Iزارo Elorza Arreguik, Oñatiko Alkatea naizenez eta Toki Korporazioetako Antolakuntza, Funtzionamendu eta Erregimen Juridiko Erregelamenduak ematen dizkidan ahalmenetan oinarrituz, ondorengoa agintzea erabaki dut:**

**Gizartetik bazterturik geratzeko arriskuan dauden pertsonentzako etxebizitza babestuen sarbidea, zerbitzuaren ezaugarriak, araubidea eta finantziazioaren kontsulta publikora ateratzea.**

Toki Araubidearen Oinarriak arautzen dituen apirilaren 2ko 7/1985 Legearen 4. artikuluan jasotakoaren arabera, Oñatiko Udalak zerbitzua arautzeko "erregelamenduak egiteko ahalmena" du, eta baita udal eskumeneko gizarte zerbitzuak antolatzeko ahalmena ere, 12/2008 Legearen 42.1 artikulua eta 185/2015 Dekretuaren 14. artikulua xedatutakoaren arabera.

Oñatiko Udalak, Ongizate Zerbitzuen Departamentutik, Gizartetik bazterturik geratzeko arriskuan dauden pertsonentzako etxebizitza babestuen sarbidea, zerbitzuaren ezaugarriak, araubidea eta finantziazioa arautuko duen Udal arautegi berria onartu nahi du (orain arteko arautegia egokituko duena, Udalak, 2015eko abenduaren 17ko Udal Plenoak onartu zuen, eta argitaratu, GAO 2015-12-29).

Prozedura administratiboa bere hasiera ematea proposatzen dut, hain zuzen, Administrazio Publikoen Administrazio Prozedura Erkia 39/2015 Legeak xedatutakoa.

Aipatu 39/2015 Legearen VI. Tituluak legegintza-ekimena eta erregelamenduak eta bestelako xedapenak emateko ahala xedatzen du. Horren baitan, 133. artikulua herritarrek lege-mailako arauak eta erregelamenduak egiteko prozeduran parte hartzea arautzen du. Horren arabera, administrazio publikoek legearen edo erregelamenduaren proiektua edo aurreproiektua prestatu baino lehen, kontsulta publiko bat bideratuko dute administrazio eskudunaren webgunearen bitartez. Helburua da etorkizuneko arauak uki ditzakeen subjektuen eta antolamendurik ordezkarrienen iritzia jasotzea puntu hauei buruz:

- a) Ekimenaren bitartez konpondu nahi diren arazoak
- b) Arau honi onestea beharrezko eta egoki den
- c) Arauaren helburuak
- d) Izan litezkeen bestelako aukera erregulatzaile eta ez-erregulatzaileak.

### **EKIMENAREN BITARTEZ KONPONDU NAHI DIREN ARAZOAK**

Arautegi honen onarpenarekin zerbitzuaren arautegia eguneratu nahi dugu, zerbitzua zeinek erabil dezakeen eta zein baldintzatan finkatzeko, eta **Gizarte Zerbitzuei buruzko abenduaren 5eko 12/2008 Legeak ezartzen duena betetzeko.**

Gizarte Zerbitzuei buruzko abenduaren 5eko 12/2008 Legeak, erantzukizun soziala duten gizarte-zerbitzuen sistema integratu bat ordenatu eta egituratzen du. Euskal Autonomia Erkidegoaren esparruan, herritar guztiei Gizarte Zerbitzuen Euskal Sistemako prestazioak eta zerbitzuak jasotzeko, eskubide subjektiboa ziurtatzeko eta prestazio edo zerbitzu bakoitzerako araututa dauden baldintzak jasoz. Zehazki, lege horrek Gizartetik bazterturik geratzeko arriskuan dauden pertsonentzako etxebizitza babestuak sartzen ditu, Gizarte Zerbitzuen Euskal Sistemako Prestazio eta Zerbitzuen Katalogoan, lehen mailako arretako zerbitzu gisa (22.1.9 artikulua), eta udal gizarte zerbitzuei dagokie zerbitzu horiek eskaintzea eta betetzea.

Era berean, **Gizarte Zerbitzuen Euskal Sistemako Prestazio eta Zerbitzuen Karterari buruzko urriaren 6ko 185/2015 Dekretuaren 1.9.2 fitxan**, Gizartetik bazterturik geratzeko arriskuan dauden pertsonentzako etxebizitza babestuei buruzkoan, honako hau jasotzen du: Etxebizitzak kolektibizaerako eta egonaldi laburreko edo ertaineko ostatu ematen die bazterkeria-arrisku handiko egoeran dauden pertsonari. Laguntza-intentsitate txikiko zerbitzua da, eta langileen etengabeko presentziarik gabe, Udalaren Gizarte Zerbitzuan erreferenteak diren teknikarien laguntza du.

**185/2015 Dekretuak, urriaren 6koak, Gizarte Zerbitzuen Euskal Sistemaren prestazio eta zerbitzuen zorroari buruzkoak**, Gizarte Zerbitzuei buruzko abenduaren 5eko 12/2008 Legea garatzen duenak, aipatutako eskubide subjektiboa zedarritzen du, Gizarte Zerbitzuen Legearen katalogoan zehazten diren baldintzak, irizpideak eta prestazioetarako eta zerbitzuetarako sarbidea erregulatuz.

### **ARAU HORI ONESTEA BEHARREZKO ETA EGOKI DEN**

Esan bezala, zerbitzuaren arautegia eguneratu beharra dago Udalaren eta erabiltzaileen arteko harremana finkatzeko.

Oñatiko Udalak zerbitzua arautzeko "erregelamenduak egiteko ahalmena" du, Toki Araubidearen Oinarriak arautzen dituen apirilaren 2ko 7/1985 Legearen 4. artikuluan jasotakoaren arabera, eta baita udal eskumeneko gizarte zerbitzuak antolatzeko ahalmena ere, 12/2008 Legearen 42.1 artikulua eta 185/2015 Dekretuaren 14. artikulua xedatutakoaren arabera.

**A**

### **ARAUAREN HELBURUAK**

Araua helburu nagusiak dira zerbitzua eta haren helburuak definitzea, eta funtsezko alderdiak arautzea: hala nola, oinarriko prestazioak eta osagarriak, zerbitzutik kanpo utzitakoak, erabiltzaileen eskubideak eta betebeharrak, zerbitzua eskuratzeko baldintzak eta prozedura, zerbitzua etetea eta azkentzea, eta haren araubide ekonomikoa.

### **IZAN LITEZKEEN BESTELAKO AUKERA ERREGULATZAILE ETA EZ-ERREGULATZAILEAK**

Udal-jabetzako etxebizitzaren erabiltzaileak gizartetik bazterturik geratzeko arriskuan dauden pertsonak dira eta udalaren zerbitzu publikoa izaki, erabilera arautzea ezinbestekoa da, zerbitzua behar bezala emateko. Hau da, ezinbestekoa da erabiltzaileen eta Udalaren arteko harreman juridikoa antolatzen duen dokumentu bat lantzea.

Kasu honetan, erregelamendua eguneratzea eta onartzea irtenbide egokiena da, antzemandako arazoak eta beharrak konpontzeko, are gehiago kontuan hartzen badugu beste era bateko neurriek indarrean dagoen araudiarekiko kontraesanak sortuko lituzketela, eta horiek proposatutako irtenbideak partzialak izango lirakekeela, eta ez behar bezain egokiak.



Udal prozeduren gidaliburuko P006 prozedurak xedatutakoaren arabera, arau-proposamenaren ardura duen sailak Administrazio Prozeduraren Legearen 133. artikulua dituen sarrera eta lau eremuak jasotzen dituen dokumentua bidaliko dio Udalaren Herritarren Partaidetza eta Komunitate Garapenerako Sailari.

Horrenbeste, Gizarte teknikariaren proposamena kontuan hartuz, Oñatiko Alkate naizen honek, honakoa erabaki dut:

1. Gizartetik bazterturik geratzeko arriskuan dauden pertsonentzako etxebizitza babestuen sarbidea, zerbitzuaren ezaugarriak, araubidea eta finantziatorako arautegiaren prozedurari hasiera ematea.
2. Administrazio Publikoen Administrazio Prozedura Erkidearen 39/2015 Legearen 133. artikulua xedatutakoari jarraituta, Udalaren webgunean kontsulta publikorako epea zabaltzeko helburuarekin, hasierako dokumentua publikatzea.

Honela jasota gera dadin eta bere ondorioak izan ditzan hau sinatzen dut.

Oñatin, 2023ko abenduaren 19an

 Alkatea  
  
Izaro Elorza Arregui